

سميرة محمودى

# إَهْدَى عَلِيًّا

سلسلة أغاني سميرة ( 2 )

الطبعة الأولى 2017

## بطاقة الكتاب

عنوان المؤلف : إهدى علىّ ( سلسلة أغاني سميرة ( 2 )  
المؤلف : سميرة محمودى ( شاعرة الريف )  
التصنيف : أشعار  
رقم الإيداع : 20442 - 2017  
عدد الصفحات : 104 صفحة  
رقم الإصدار الداخلى : 36  
تاريخ الإصدار الداخلى : 2017 / 9 طبعة ثانية

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفراة للنشر والتوزيع

سجل تجارى : 58365  
بطاقة ضريبية : 165-5-00031-572-01-35  
رقم التسجيل : 2017-7 544-662-202  
E-mail: alnile waalforat@yahoo.com  
twitter: النيل والفراة  
youtube: alnile waalforat@yahoo.com  
facebook: alnile wa alforat  
هاتف : 01011256943 - 01116202218 - 01202541192



الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣

# إستهلال

الفرح كلام لسه مسطر

في كتاب الغيب

والقلب حنيئه بيتمخطر

بيناجي حبيب

والعمر اهو خايف من بكره

ليضيع وخلص

والحب بفرحه المداري

قسمة ونصيب

سميرة محمودى

( شاعرة الريف )

## تقدمة الناشر

سميرة محمودى .. شاعرة متفردة لها قاموسها الخاص ومفرداتها الخاصة جدا ، أعطت نفسها لقب شاعرة الريف ولم تحد عن أيديولوجيات البحث والتنقيب عن هويتها من خلال الريف ، فرسمت خارطة جديدة للوطن من خلال تفاعلاتها مع كل أوجه الريف ، وربما يتجلى سر عبقرية الحرف عندها أنها لم تغادر هذه المنطقة فتناولتها من كل الأوجه ، واستطاعت أن تضع بصمتها على حائط المشهد الإبداعي فى فترة وجيزة جدا فاخترقت كل الحواجز الإبداعية وخاضت معارك كثيرة فى مضامير متعددة أعلنت فيها عن هويتها ، فهي شاعرة بحق تستحق كل التقدير

الشاعر ناجى عبد المنعم  
رئيس مجلس إدارة  
دار النيل والفرات للنشر والتوزيع

# الشك فيك أصبح أكيد

الشك فيك أصبح أكيد  
بتمد أيد وتشد أيد  
وعيونى عرفت كل شئ  
بدأت تشوفك من بعيد  
خلينا من صورة زمان  
وبلاش نفتح في اللي كان  
لا تقول محبة ولا حنان  
ولا يلا نبداً من جديد  
الرسم كان الوان سراب  
خطوط علي سطر ف كتاب  
وحروف كتيرة ملخبطين  
متجمعين من غير حساب

وانا وانت يعني كنا ايه  
ايه في الهوي نندم عليه  
او هام بتتحدى الحياة  
وحقيقة واضحة بين ايديه  
انا شفت اه جواك حجات  
اشواق كتيرة ومحتاجات  
خطت وعدت كام طريق  
موتها ليه من سكات  
لما انت ناوي تكون هناك  
حيرت روعي ازاي معاك  
قربت منها وفجأة ليه  
غرقتهافي بحور جفاك  
صدقني مش باعتب عليك  
انا بس مش لعبة ف ايديك  
وقت ما ترضي تكون حبيب

وف الف وقت اترجي فيك  
ابعد خلاص ابعد وروح  
مبقاش في روعي ثاني روح  
مبقتش حاسة امان معاك  
مبقتش حاسة غير جروح  
دة الشك فيك اصبحت اكيد  
بتمد ايد وتشد ايد  
وعيونى عرفت كل شئ  
بدأت تشوفك من بعيد

## إوعى تتدارى

لو جواك يا حبيبي اسية  
من ناحية قلبي وعنيا  
لو لسة قلبك مجافيني  
وحياتك ما تخبي عليا  
اوعى تداري عني غرامك  
او شوقك ولا حتي ملامك  
عاتب قلب وهب لك حبه  
واحكي له ووضح له كلامك  
بتخاصم وبتبعد عني  
وانا معرفتش ليه مخاصمني  
علشان قلت ان انا حبيبتك  
ايه زعل قلبك طمني



انا سهران الليل اناذيك  
واشكي لقمر الليل يحكيك  
ازاي شوقي اليك خلاني  
انسى الدنيا بحالها واجيلك  
زعلان من حبي واشواقه  
ولا صحيح زعلان لفراقه  
والبعد اللي مفرق بينا  
قلبك حس بناره وداقه  
ريحني واعطف واشرح لي  
تعبان انا ارجوك وضح لي  
الاحساس اللي انا حسيته  
يدينني الحق ويسمح لي  
انا لسة موجود في خيالك  
ولا نسييتني ولا علي بالك  
صارحني ومتخفش عليا

ايه غير يا حبيب احوالك  
كان ذنبي اني رجعت انادي  
واطيب جرحك وادادي  
تقتلني بنظراتك دية  
شمت عوازلي وحسادي  
قول يلا اتكلم بصراحة  
لو عايز تبعد بالراحة  
قول انك. ناوي تودعني  
قول مالفنش في حبك راحة

# إهدي عليّا

إهدي عليّا  
واستناني بلاش عصبية  
انا هاحكيك علي اللي  
شاغلني  
والي واخذني بعيد وحديا  
فاكر اول مرة قابلتك  
قلبك دق ونادي عليا  
دق القلب عشاك دقة  
واترجاني ماقلتش لأ  
ولقيت روعي بتعشق روك  
كنت مثال للذوق والرقّة  
اتمنيّتك فرحة عمري

اخرة شوقي وحيرتي وصبري  
واتمنيت انا وانت نقضي  
باقي حياتنا ف توب حنية  
فجأة وبعد الوقت ماعدي  
موج الحب ف قلبك هدي  
فجأة لقيتك واحد تاني  
لا اشواق ولا حتي مودة  
غبت كثير عن عيني واسامحك  
تزعل من غير ذنب واصالحك  
وان فكرت ف مرة اعاتبك  
تقسي عليا واموت من جرحك  
ازاي يعني اكون حبيتك  
اكثر من روعي وبديتك  
تنساني ولا مرة نسيتك  
لما نسيت الكون حوليا

وازاى وانت قصادي اشتاقلك  
احكم يلا وحكم عقلك  
راحت فين ايامنا الحلوة  
وانت ناسيني كمان وانا جمبك  
حسيت امتي ان انا زعلانة  
وان دموعي كمان علي خدي  
وان الفرحة بقت نسيانا  
وازاى ضاع الحلم الوردي  
انا شايلالك اشواق ياما  
زي ما برضو شائلة ملامة  
باعتب ايوة عشان خلتنى  
بالافكار عايشة ف دوامة  
انت صحيح يا حبيب حبتنى  
ولا الحب دا وهم وراح  
وكلامك حلو وثبتنى

زي الليل وطلع له صباح  
قولي دا حبك حب حقيقي  
او قول حب صبح او هام  
لما تصارح قلبي هاصدق  
من احساسك اي كلام  
انا سهرانة وايه سهرني  
محتارة وحبك حيرني  
نفسى اقولك علي اللي شاغلني  
حتي وانت ايديك ف ايديا  
مش حاسة بك وانت معاية  
ساكن كل الخوف جوايا  
انا مشغولة عشان حبيتك  
وبتلهيني بالف حكاية  
وشوش يلا الهجر وقوله  
هو دا اخر شئ نوصله

بعد ما دقنا الهوي بوصاله  
نشرب ويله وجرحه وذله  
راجع تتعصب من ثاني  
واخذ بالك من سرحاني  
بعد ساعات باستني تنادي  
باحسب يعني تقول وحشائي

# يا طير يا طائر

يا طير يا طائر في السما  
فارد جناحك شوق  
خد مني شكوة ومظلمة  
عن قسوة المعشوق  
امانه منك توصله  
وتبلغه سؤالين  
ليه البعاد ويا الجفا  
والقسوة جابها منين  
هي الحبايب كلها  
بتقاسي م الاشواق  
ولا الوصال ويا الهني  
معروف واخره فراق



وحياتي بردو تسأله  
في الغربة عامل ايه  
وقطع رسايله وطلته  
غابت عليا ليه  
ماتخدش بس كلام  
ولا حرقتي وملام  
خد مني احلي سلام  
سلم لقلبي عليه  
وحشاني والله ضحكته  
والصوت كمان موال  
سابني في طريقي و اخرته  
بتفرح العزال  
باشرب لوحدي الكاس هنا  
وانا اللي محروم م الهنا  
مشتاق وقالوا الشوق ضني

بيذل في الترحال  
حتي الغرام منه اشتكي  
وحلف لي ما يبطل بكا  
ذاع قصتي عني وحكي  
في الشعر والازجال  
تشوف حروفها تقول غني  
تعرف علي جرحي انا  
الхан علي دمعي هنا  
شوف كام سنة علي كام سنة  
يا طيري قوله ياريت يعود  
وكلام بجد ماهوش وعود  
هاتوا علي جناحك وعود  
حقق لاشواقي المني  
في بعباده موتي محتمل  
ماعدش لي غيرك امل

لم الحروف ويا الجمل  
وارسم له نجمه وطوق

# مخلص أكيد

مخلص أكيد

عارف كمان معني الهوي

بيحبني

وبقينا قال نحلم سوي

نسهر ليالي تضمنا

فرحة لقانا وحلمنا

ومكانش شئ بيهمنا الا الهوي

وازاى نكون مع بعضنا

فجأة الحنين غاب وانطفي

عمال يضيع منا الوفا

قصة هوانا. والدفي

شوق كله ضااع كله اختفي

وصحيت انا من سكرتي

مع وحدتي مع غربتي  
فتحت عيني اشوف عنيه  
لقيت عنيه علي صحبتي  
عرفت ايه معني الخيانة  
لما اكون انا باعشقه  
كانت تروح وتميل اليه  
يبعدھا عنه واصدقه  
دوبت قلبي بخوف عليه  
من اي شئ هايعرقه  
وما خفش هو في يوم عليا  
بابنيه انا وبيهد فيا  
وانا اللي كنت معاه كتاب  
من غير سؤال ولا اجوبة  
مفتوح علي صفحة هواه  
والكلمة صافية وطيبة

وكتب لي انا ابعد بعيد  
وهي تبقي قريبة  
انا كنت باستغرب حاجات  
ما فهمتهاش انا كلها  
دلوقتي عدت الذكريات  
وفهمت سر ف قريبها  
عاملاي صاحبة وهي ايه  
هيمنة وبت رسم عليه  
شفت الدموع في عينيها يوم  
يمكن تكون صعبت عليه ؟؟  
صحبتني علشان يوم يضيع  
الغدر دا احساس وضيع  
اصل الخيانة دا شئ فظيع  
بايدين هديتها محبتي  
يااه. يا يا يا ياه

لاه لا لا لا لاه  
اه علي اللي انا حاساه  
وحبيبي بقي اسمه  
حبيب صحبتي

## قلبي رافض الانسحاب

لما تبقي حد ثاني  
تبقي ممنوع م العتاب  
اما. اعاتب يعني لسة  
قلبي رافض الانسحاب  
اما قلبي خلاص مسلم  
للي شافه وحس بيه  
لما كل حكاية كانت  
اي ذكرى فيها هانت  
اي سطر كتبته فيها كان رصاص  
وبهواك وبكيفك انت  
اتشطب منها وخلص  
مش هاقولك جرحي علم  
او هاقول ضيعته ليه



بس قلبي خلاص نسيك  
اي حلم حلمت بيه  
الف رحمة علي الاماني  
لما تصبح بين ايديك  
اتنازلت انا ايوة عنك  
حتي دمعي خسارة فيك  
مستحيل القلب يفضل  
بين حيطان الزنزانات  
او يعيش العمر يبكي  
لجل واحد قلبه مات  
او يخطي الجرح تاني  
او. يعود لك من سكات  
المحايلة مهما كانت  
عمرها ما تعيد لي روح  
ولا ترجع الابتسامة تسكن

الوش الصبوح  
كل شي جوايا اصبح  
من عمايلك حيطه سد  
يعني مش فارقة تراضيني  
او هاتبني او تهد  
انت حالة وعشت فيها  
زيها زي اي حد

## ما تخوفنيش عليك

ما تخوفنيش عليك  
وانا والله عليك بخاف  
من كتر البعد قلبي  
بيقاسي وياما شاف  
قلبي عليك يا ما نادى  
ياللي في قربك سعادة  
بكفاية عليا دمعي  
مش ناقصة عذاب زيادة  
شوف كام سنة بيناديلك  
ياتجيله او يجيلك  
اسمع لي يا روعي وارجع  
ماخذش البعد عادة

دا انت بتكون قصادي  
قدام عيني وواحشني  
مابالك يا حبيبي  
لما يكون شئ حايشني  
أبقى ع الوصل بينا  
خلي هواك بيراعينا  
يا سفينة في بحر حبي  
ياشطي واحلي مينا  
بتغيب واسهر ليلاتي  
يا اغلي من حياتي  
لا دارية بعمر عدي  
ولا فاكرة في عمر اتي  
وحدي باموت بانشغالي  
صاحبة باعد الليالي  
خايفة لتكون ناسيني

طمني عليك ياغالي  
تعبان في البعد ولا  
الحب ما بينا ولي  
محتارة حبيبي والله  
نفسي اشوفك قبالي  
تايهة والخوف خاطفني  
وانت ليه مش شايفني  
لو كان قلبك عارفني  
كان رق قوام لحالي  
اه لو جربت ويلي  
وعذابى معاك دليلي  
لو خفت عليا مرة  
تنسي الدنيا وتجيلي  
ماتتأخرش تاني  
يا حبيب عمري وزماني

خليك علي طول معايا

ماتغيش ولو ثواني

## غلطة عمرى

أيوه تعبت خلاص ملّيت  
حبّيت عمرى ولا اتحبّيت  
وسط الناس وباحس بغربة  
غربة اهل وجيرة وبيت  
يوم بيعدي ويوم دوار  
زي ماهو ليل ونهار  
دمعة بتسهر مع احزاني  
مليون دمعة مع الافكار  
وحدة روح في الدنيا غريبة  
تايهة وضايعة بصورة عجيبة  
شوك في الخطوة ومع احزاني  
كانت غلطة عمرى الطيبة  
عدت ياما علي سنين

نفس الدمعة ف نفس العين  
نفس الحيرة مع الاحلام  
ما عرف غلبي دا اخره لفين  
ملت عيني طعم الدمعة  
ملت روعي غدر الطعنة  
اجمل ايام عمري باشوفها  
حلم نهايته ف الروايات  
كل دقيقة سفر مجروح  
اجري وافتش واجي واروح  
عيني علي الاحلام تتعاش  
وارجع زي الطير مدبوح



## ها افضل كده

هافضل كدة هربانة كتير  
ولا عارفة لايامي مصير  
بادفن روعي مع اوهامي  
عمر بحاله في التخدير  
نفسى ف يوم لحياتي اعود  
طفلة جميلة باحلي عقود  
اجري والعب حوالين امي  
والاحزان من غير مطرود  
القي الهم يبيعد عني  
وقلوب عايشة معايا تعني  
ضهر احس ان انا مسنودة  
اصحاب ليا معايا ف سني  
مش علي طول احوال احوال

واحد منها يهد جبال  
شائلة الحمل لوحدي يا عالم  
يتقل عمال علي بطل  
جمب الحرف هربت كثير  
تعبت روعي من المشاوير  
باكتب ليل ونهار حكايات  
توصف حالتي بدون تفسير

# قولي نهايتك إيه ؟!

قولي نهايتك إيه

لسة مطنش. ليه

انا قلبى الدايب

ومعاك غايب

ماطولش عليه

عوم ويا التيار

ريحني من الافكار

عدي كثير

وانا احايل فيك

واندهلك ليل ونهار

احكيلى واوعي تخاف

يا مالكني و بالاوصاف

يا مخلي السهد يسهر عيني

وزيك عمره ماشاف  
هدي اللعب يا زوق  
وارجع وكفاية وفوق  
مت يلا يا شاطر  
اعمل خاطر  
خلي الدنيا ترووووق  
الرمش واخذي سنين  
لو اروح وياك علي فين  
انا ماشي معاك وبحب هواك  
وانت سيد العارفين  
الدنيا ف بعدك نار  
بامشيلك بالمشوار  
وصبرت كتير يا بو قلب كبير  
وشبعت من الاعذار  
والحب يا ليلى ياليل

امتي هاتفهم يا جميل  
فهمني السرف كتر غيابك  
وابعت لو مراسيل

# التقل صنعة

ياليل ياليلي ياليلي

ياليل يااليل

التقل صنعة اكيد

لكن معايا نوه

ياواد كفاية بقي

ع التقل و اللي. جابوه

من يوم ما. شفتك. انا

قلت لعنيا هاتوه

وعنيا لو مغرمة

من غير حبيبها تتوووه

و احلي شئ ياجدع

الحب من غير وجع

والقلب لوكان جدع

يهوي اللي بيحبوه

ياليل ياليلى ياليلى

ياليل يااليل

////////

التقل صنعة لكن بحساب

ع اللي تملي يدق الباب

واللي في هواه بيدوب مشواير

دا حبه جد ومش كداب

وانا قلبي بيحب وصالك

دايب وتايه في جمالك

بيغار عليك م النسمة يا واد

حتي العيون الباصة لك

ما تحن يلا بنظرة يا خال

ولا هوايا دا مش البال  
ايام بحايل في عيونك  
ما كفاية تقل يا واد ودلال  
دا التقل مايلقش علينا  
واحنا الغرام ملو عنينا  
قالوا الهوي والحب نصيب  
واحنا نصيبنا دا ف ايدينا  
ابدأمعايا وهانكمل  
ف الدنيا سوي راح نتحمل  
ونعيش حياة ولا احلي حياة  
والعشق بينا دا هايطول  
سابق عليك الشوق مراسيل  
وكتبت اسمك في المواويل  
يمكن تحس وتسمعي  
فتح عنيك للشوق يا جميل



النار في قلبي بتحرقتني  
مشتاق لقربك صدقتني  
وياريتني حتي بنام الليل  
سهران ودمعي مفرقتني  
سيبك بقي م التقل ياواد  
بص لهواك وكفاية عناد  
حيرت قلبي بافعالك  
شمت فيا كتيير حساااد  
جرب تدوق مرة حناني  
قلبك مايقدر ينساني  
دا الحب كله اهو حواليك  
مخلوق عشائك وعشاني

# أنا كنت زمان على نياتي

في الشدة يبان المداري  
والجرح يزيد عندي واداري  
و انا مهما يطول مشواري  
كنت اصبر واكتم ف اهاتي  
ما انا كنت زمان علي نياتي  
علمني الغدر انسي وعودي  
واتغير وارسم لي حدودي  
والبعد دا قدرتي وموعودي  
عن اغلي الناس حتي اخواتي  
ما انا كنت زمان علي نياتي  
الطيبة في قلبي كانت عادة  
كان قلبي دا طيب بزيادة  
حببت الناس حب عبادة

ظلموني وكرهت حياتي  
انا كنت زمان علي نياتي  
كنت افرد للحب شراعه  
كان حب كبير قلبي يساعه  
واشتري دايم لو يوم باعوا  
كان بس الحب احلي صفاتي  
انا كنت زمان علي نياتي  
سامحيني يا دنيا يا كدابة  
ماعرفتك وكفاية طيابة  
بتقولي سلام وانتي الغابة  
مايدوم لك غير القورداتي  
ما انا كنت زمان علي نياتي  
سقيتني مرارطعم الغربة  
والوحدة كمان قاسية وصعبة  
وقلوب الناس عندك لعبة

واهو ياما لعبتي بدقاتي  
ما انا كنت زمان علي نياتي  
لونت الحلم بلون وهمك  
وياريتة الحلم دا كان فاهمك  
سوديتي الرسم ونار سهمك  
مايتنفد الا ف رسوماتي  
ما انا كنت زمان علي نياتي  
هاصحاك وهاقوم من نومي  
وخلص انا هابدأمن يومي  
ولا ليكي امان ولا بتدومي  
وحفظت انا درسك دا يوماتي  
ما انا كنت زمان علي نياتي

## بعد المشاوير

بعد المشاوير عذبنا. كثير  
شفناها زمان احلام وحرير  
دلوقتي خلاص شفناها خلاص  
ومشينا غرقنا في جرح كبير  
من غير احباب في طريق كذاب  
اوله افراح و نهايته عذاب  
وسراب وضباب ودموع ع الخد  
يا قلبي كثير  
دورت عليك وبانا جي عنيك  
تلمحني واعيش لو حتي خيال  
كان برضو محال مدت لك ايدي  
ماشفت ايديك  
ضيك ليه غاب يا سيد الاحباب

يا حبيب الروح يا عز اصحاب  
وطريقك فين واوصلوا منين  
دنا ماشي سنين معرفش يا غالي  
انا رايع فين خبطت كثير  
افتح لي الباب  
تايه مسكين تعبان مهموم  
والدنيا ياعين نستني النوم  
والسكة مرار وعذاب وهموم  
والشوك متوزع ع الجمبين  
وتعبت ياناس فين هما الناس  
في طريق معدوم وما فيش احساس  
وانا هاوصل امتي وهاوصل فين  
واوصل مع مين  
مشاوير مشاوير  
مشاوير سواح ومسايا صباح

السهد عذاب والفكر جراح  
وتعبت يا قلبي من التفكير

# ماتشلس في بالك

ماتشلس في بالك واعقلها  
وافرح واتهنى ومشى لها  
دي الدنيا يومين ونفوتها  
خلاص

ونودع جورها وتغيرها  
خد بالك منها وعديها  
وتبطل دايمًا تعاديها  
هاتجيبها شمال وتجيبها يمين  
وحياتك واحدة مافيش غير ها  
والدمع دا ليه ويفيدنا بايه  
غير حزن كبير بياخدنا اليه  
ونقوم وننام علي تكشيرها  
معروفة الدنيا بتخدعنا



بالحب كثير بتطمعنا  
وتاخذنا البحر ترجعنا  
بقلوب عطشانة تدوق خيرها  
اديلها تمام هاتعيش في سلام  
وتملي قوام بص لقدام  
وبلاش تتماذي مع الاحلام  
احلم علي قدك واقصرها  
دي السكة يدوب  
في وداع وغروب  
وطريق محسوب  
والرحلة خلاص ليها اخرها  
علي ايه في الهم نضيعها  
ونعيش علي اهاة مو اجعها  
وبدال كدة كدة هانودعها  
ع الفرحة معانا هانجبرها

ننتبسم مهما يكون فيها  
وباي طريقة هانمشيها  
متشش ف بالك حكاويها  
وتتوه. في جنونها وتفسيرها

## هيادي الدنيا

هيادي الدنيا يا انسان  
جوالات بتمر وأحزان  
مرة تحس ان انت الفايز  
مرات بتحس بخذلان  
مكتوبلك تحلم ومافيش  
واماني بتروح ماتجيش  
تشرب كاس المر وساكت  
بتداري دموعك وتعيش  
في حياتك ايام تو هان  
حرمان بيغطي في حرمان  
اصبر بس و ماتفكرش  
بعدالصبر انت الكسبان  
املك كله ف بكرة الجاي

قلبك متعلق بالضى  
تنده على الايام مستنى  
طول ما النبض ف قلبك حي  
وتعبت انت من المشاوير  
والباقي دا معدش كثير  
قبل ما تمشي بعيد وتسببها  
جرب تزرع فيها الخير  
الجنة مافيهاش ترحال  
ولا قالوا ولا قلنا وقال  
ولا تخسر نفسك بحكاية  
ولا تنهز من الاحمال  
خليك على عهدك بالله  
روحك تبقي تملي معاه  
ليه ربك سماها الدنيا  
علشان لك في الاخرة حياه

## المستحيل مالوش وجود

المستحيل مالوش وجود  
طول ما القلوب فيها الحياة  
والله مع القلب الصبور  
مهما الطريق بطول معاه  
او عي اتكالك يوم يكون  
علي حد جمبك م البشر  
لوتهت يوم عن سكتك  
او اغلي شئ ضاع وانكسر  
عيش بالامل وادعي الإله  
يرجع ينور سكتك  
هو الصديق هو الرفيق  
ولا غيره يمسح دمعك  
الدرس كان اصعب مكان

كان صعب جدا تفهمه  
بس الدروس علشان تدوس  
والصعب دا تتعلمه  
جدد نشاطك بالايمان  
وابداً طريقك بالعمل  
اليأس دا مش سكتك  
والحلم جايز محتمل  
والي بيختار الكفاح  
مايكنش نايم في العسل  
الي بيعزم ع النجاح  
عمره ما بيحب الكسل

## الحب كلمه حلوه

الحب دا كلمة حلوة  
بس الكلام يدوب  
بذرة صغونة طالة  
بتطرح في القلوب  
لكن احساسها عندي  
زارع ف الكون ورود  
بحبك كلمة حلوة  
لكن ملهاش حدود  
الشمس بنورها غارت  
من ضيك بالنهار  
والبدر كمان يا روي  
من سحر عنيك يغار  
الله يا حبيبي ياللي

علم قلبي الغرام  
علمني ازاي احبه  
واقابله بالابتسام  
كان حبك فين ناسيني  
ايام وسنين طوال  
شفتك عودت عيني  
ع الرقة والجمال  
ولا عاد دمع يشاغلني  
ولا حزن احس بيه  
ولا اهة في قلبي باتت  
من يوم ما سكنت فيه  
عارف كل السعادة  
بتكون يا حبيبي فين  
بتكون حوالينا طيارة  
بتخطف نظرتين



عائشين انا وانت حالة  
من اجمل ما يكون  
يعني يا عمري استحالة  
اخونك او تخون  
الشهد معاك لاقيته  
ف وصالك والامان  
خلاني اوصي قلبي  
انه يحبك كمان  
حبك ادي لحياتي  
طعم والفين حياة  
خلالي الدنيا وردي  
عائشة ف جنة هواه  
هاتعيش العمر جمبي  
مهما هاتروح بعيد  
وهاترجع والقي نفسي

بحبك من جديد  
الطير علي غصنه غني  
فرحان زبي وسعيد  
وهلاك لما زارنا  
حسينا الدنيا عيد  
حبك دا ولا رحلة  
لبلاد مافيهاش

جروح  
وسلام يا سلام وسلم  
عليا منين ما اروح  
عارف كلمة بحبك  
دي اكبر من الحروف  
عايز تقراها قرب  
وافتح قلبك وشوف  
الحرف لوحدده دنيا

ليا انا و انت يااااه  
والحرف الثاني نجمة  
ضي وطايرين معاه  
والحرف الباقي اسمي  
مع اسمك في الديوان  
اجمل من قيس وليلي  
عبلة وعنتر كمان  
قصتنا ياروحي دامت  
علي طول من غيرذواق  
ولا فيها كلام يبكي  
ولا. كذب صبح فراق  
انا وانت رسمنا صورة  
للحب عشان يعود  
والناس تتملي منا  
حتي عيون الحسود

## في هواك

انا راضية بقلبي معاك  
ومانيش محتاجة لقاءك  
ساكن ف النني وصورتك  
والعين علي طول شايفاك  
مهما تبعد وتغيب  
ويايا اغلي حبيب  
بنعيش احلي الاحلام  
في سعادة مافيش تعذيب  
والله وارتاح .. البال  
وبعادنا خلاص ..دا محال  
ولا بيغلبننا ... الشوق  
ولا بيحيرنا ..... سؤال  
العهد ماينا ...يطول

وباقولها لك ..... وتقول  
حبك لحياتي ..... حياه  
وبتتمناك ... علي. طول  
في عنيك سحر يا محبوب  
وغرام ... وكلام ... مكتوب  
مكتوب لي معاها اعيش  
واغرق في بحورها وادوب  
ونعوز ... م الدنيا دي ايه  
نغضب ..... او نتعب ليه  
وانا وانت الروح ف الروح  
وعزولنا .... يا عيني عليه  
لو يدخل ..... بينا ف يوم  
بیشوفنا يقوم ..... مهموم  
مهما يحاول ..... يكسرنا  
الحب ما بينا ..... يدوم

بيقولوا .....الحب عذاب  
وساعات .....يطلع كداب  
وانا وانت .....حبنا غير  
دايما علي... طول احباب  
بيني وبينك .....مسافات  
وساعات تبعدنا... ساعات  
الشوق يبعث لي رسائل  
وقلوب حب ووردات  
الله يا حبيبي..... الله  
ع الحب اللي.... انا حاساه  
اجمل من كدة.... ايه تاني  
وهواك .....ريحني معاه

## قررت خلاص أنساك

انا قررت خلاص انساك  
مش هاحلم بك مش عايزاك  
اصلي تعبت اعاتب قلبك  
و انت تعبت القلب معاك  
كل مشاعري بتبقي لصالحك  
تزرعل اجري قوام واصالحك  
تبعد عني استني وصالك  
يعني تملي انا ماشية بجرحك  
سيبك مني خلاص وارتاح  
هاقفل بعدك بالمفتاح  
وهاقول توبة تحب ياقلبي  
حبك كله عذاب وجراح  
والنسيان دا فاجمل حل

ياللي شربت معاك الذل  
وحدي انا ادوق المر ف حبك  
والعشاق لها ورد وفل  
يظهر يعني ما حبتنيش  
ولا لزومه ايه التطنيش  
مين قالك اننا من غيرك  
علي بعدك مقدرش اعيش  
لا يا حبيبي خلاص وحياتك  
قلبي الحر زهد دقاتك  
كل يومين تخاصمني واسامح  
وارجع اقولك عيد حساباتك  
بس خلاص مهما اترجيت  
م الاوهام والحلم صحيت  
بلعن يوم ما اسرت ف قلبي  
باندم جد ان انا حبيت



يلا خلاص وبجد سلام  
سيبك زي من الاوهام  
انا حبيتك حب حقيقي  
وحبك كله كلام ف كلام

## ع الماشي

طيفك عدي وغاب ف ثواني

قولي حكايتك ايه

ولا عشان فايت هنا قلبك

واطمنت عليه

اللحظات بتمر ف بعدك

تصعب اوي اوي اوي من بعدك

سهم الشوق يجرحني واداري

ولا متي هاخبيه

قلبي دا كان فرحان وندهلك

تستاهله والله يستاهلك

تفتح باب الوصل تشاركه

افراحه ولياليه

عدي زمان وانت ولا داري

جرب بس تحس بناري  
تعشق زي ما باعشق قلبك  
وتبارك خطاويه  
حبي دا ليه ولا عندك فارق  
خذتو وسبتوا معاك ف مفارق  
انت صحيح لو قلبك عاشق  
كنت هاتسأل فيه  
باعت طيفك هايجنني  
واناديله ولا يسال عني  
يرمي النظرة ويمشي كاني  
مش هاعرف الاغيه  
ياحبيبي العمر ببسرقتنا  
ولا يسوي شئ هايفرقتنا  
شوقنا الشوق اوي واشتقتنا  
للفرح وغناويه

قولها لي وبكلمة جريئة  
امتي الحلم هايبقي حقيقة  
امتي هافتح عيني واشوفك  
بتحقق امانيه

# بطلت سياسه

بطلت سياسة وتليفزيون

مبقاش في الدنيا دي

شئ مضمون

فلان طماع و فلان بيع

و فلان مسحوب و فلان مجنون

الجو اتلخبط ف الاشاعات

وقولولي اصدق مين بالذات

والفتنة خلاص و مافيش اخلاص

اخبار مشبوهة علي القنوات

ولا دول ولا دول

ولا حد اتكلم في المعدول

واتقسم الصف بقينا كتير

والقسمة بتبعد في المشاوير

واهو مين مسئول  
دول جابوا الحق ع الاعلام  
والتانين وقعوا مع الحكام  
والحق اتلخبط في الاوهام  
شئ مش معقول  
صدعتي دماغى يا دنيا الزيف  
اخبار وبتطلع بالتزييف  
توهتوا الخلق معاكوا ياناس  
خليتو ربيع الدنيا خريف  
بطلت انا اسمع للتزوير  
والقول كداب والفعل حقير  
والجو عايز له مبيد صراصير  
يا لطيف يا لطيف  
ربولنا في قلب المخ خفيف  
وبنفهم كدة تخاطيف تخاطيف

غير لون الدم وكتر الهم  
مع لون الدم انا قلبي ضعيف  
هاسيب الشاشة مع التعقيم  
انا هاسمع سومة ولحن حلیم  
واما اكتب هاكتب ع الاشواق  
او صفحة انوثة وصفحة ريجيم

# وراني الويل

وراني الويل  
في البعد وناره وسهر الليل  
وانا امتي ارتاح  
والخطوة ف حبه بادوسها جراح  
والثانية ف بعده  
عذابها طوييل وراني الويل  
وغلبت مغاه  
اتحايّل لو يهنّالي هواه .  
واترجي النجم يكون وياه  
يسلم لي عليه  
ويناجي الفجر يبوس لي عنيه  
ولعيني يميل وراني الويل



وسمعت يا قلبي  
كثير مواويل  
عن شوق غلاب وحبائب ياما  
سنينها عذاب  
عايشين يتمنو امل كذاب  
والصبر جمييل  
ورراني الويل

## مين حس مرّه

ان ابتسامتى من الوجد

أو شاف عنيا

وهما دايمًا حيرانين

مين مرة سافر

ويا حلمي اللي اتخدع

او حس زي الغربة

علي طول السنين

ألبدر اشوفه في السما

حزن وجراح

والليل نجومه مضلّمة

حتي الصباح

الشمس تفرد للحبايب ضلها

وانا شمسي تغرب

من بكايا علي اللي راح

مين حس ناري ووحدتي

والسهد طفي شمعتي

والعمر ماشي سريع سريع

بطيئة جدا خطوتي

في الدائرة وحدي

هناك بدور

وباعيش مع الذكرى العدم

اكتب غناوي ع السطور

للفرح وانا كلي الم

ازرع محبة في القلوب

تطرح لي انا مر وندم

اتعب اوي. واضحك كثير  
وعذابي بيزورني بضمير  
قالوا ان عمر ما همني  
وانا جرحي م الايام كبير

## سلم لي عليه ياللي مسافر

سلم لي عليه ياللي مسافر  
وانا قلبي هناك ومعك طائر  
ساكن في القلب هناك عنده  
روح قوله يفسر لك عنده  
وغيابه يطول وما فيش بعده  
روح قوله حبيبه هناك صابر  
سلم لي عليه ياللي مسافر  
الليل بيعدي بافكاره  
واهاته بتستني نهاره  
ولامتي هواه هاشرب ناره  
والذكري معاه ملهاش اخر  
سلم لي عليه يا اللي مسافر  
الفكر واخذني في متاهاته

ويعيد ويزيدلي ف جواباته  
روح قوله حبيبك بيسلم  
مستني لقاك يملي حياته  
علي بعدك ابدًا مش قادر  
سلم لي عليه يا اللي مسافر  
خد مني حنين وصلهوله  
واحكيه مرار ليلي وطوله  
وعوازل قالوا وبيقولوا  
لو قلبه هواك كان ليه سافر  
سلم لي عليه ياللي مسافر  
الدمع مدوب مناديله  
والشوق بيحيه ويحكيه  
ويغني اهاته ومواويله  
با نجوم الليل انا مش قادر  
الورد خلاص دبلان عودوا

بينادي علي الاحباب عودوا  
فرحتوا عوازله وحسوده  
وناسينا الفرح ومش فاكر  
سلم لي عليه يا اللي مسافر  
روح قوله الاحباب يتمنوا  
ينعموا بوصاله ويتهنوا  
وما فيش جواهم غير حبه  
وما فيش اغلي واجمل منه  
ولامتي الهوي يفضل حاير  
سلم لي عليه  
سلم لي عليه  
سلم لي عليه ياللي مسافر

## وكفايه سنه .. لتأخذها سنه

انا وانت بعدنا يدوب من سنه  
وخذتنا الدنيا ما شفنا هنا  
وسهرنا ليالي خاصمها القمر  
ومشينا في سكة عذاب وضنا  
غناوينا الحلوة ملاها الالم  
والحن يا عيني مصاحبه الندم  
والبعد علينا خلاص اتقسم  
والحب هجرنا وغاب. عننا  
كان اجمل حاجة شايفها الهوي  
وانا وانت ياروحي بنسهر سوي  
من بعد البعد مالاقي الدوا  
ولا لاقى غرام يهواه زينا  
النجمة بتشكي غياب القمر



وبتسأل عنه ما لاقية خبر  
والطير بينادي هناك ع الشجر  
ياحبايب امتي تعودوا هنا  
وجمال الورد دا شكله انطفي  
وربيعه معانا دا راح واختفي  
ولا عدش امان ولا عدش صفا  
ولا شمع الفرح دا قاد بعدنا  
ولا متي هانفضل يعني كدة  
ونفرح فينا كلام العدا  
كان ليه العند وليه كل ادا  
ورضينا عذابنا وويل بعدنا  
ايه رايك يلا تعالى بقي  
ودا بعد البعد بيحلي اللقا  
وكفاية عذاب وكفاية شقي  
وكفاية سنة لتاخدها سنة

# علي كل لون آه ياباطسطه

علي كل لون اه ياباطسطه  
والعمر فات حاسب يا اسطي  
والناس بتتلون الوان  
عايشين علي الكوسة بوسطة  
واللي بيوصل يتعاجب  
وما فيش نظام بالدور عاجب  
والدرج دايم متوارب  
وفي الرشاوي الواد اسطي  
اللي معاه يرمي بياضه  
والمطحونين دول يتقاضوا  
والمسندوين لو يخفوا قتيل  
ياخدوا البراءة ويتراضوا  
والكوسة ضربت معدتنا

عم الخراب علي باب بيتنا  
واللخبطة في ام الافكار  
قلبت حياتنا ووحدتنا  
والعيب مالينا وبنعائب  
وبنرفع العين ع الحاجب  
ناسيين ضميرنا في كل مكان  
وبنحكي في الذوق والواجب  
شوفوا كام سنة عايشين عالية  
ع البنك نصرف ف حوالة  
دايرين بنشحت م الاغراب  
والاقتصاد ع النقالة  
وضرينا علي كتر الحواديت  
نخرب نولع بالكبريت  
نهد فيها ونعدمها  
والمجد اصبح للديناميت

العزة راحت في كازوزة  
والاحترام ملهوش عوزة  
وسلام سلام وسلام يا سلام  
حتي السلام شارب بوظة  
والله اكبر يا جماعة  
قربنا خالص ع الساعة  
والجنة محروسة بحراس  
والنار دي مش نار ولاعة  
والدنيا راحت ف ابو توكر  
حتي العقول قفل مسوكر  
ونقول يا ناس  
دا مافيش احساس  
وبلدنا مش لعبة بوكر  
تحيا الكلام اللي يعلي  
للحب بيصوم ويصلي

الله محبة ومصر عمار  
وعروسة بالطرحة التلي  
تحيا الايدين الشغالة  
واللي بجهودهم رجالة  
واللي بيشقي وعنده ضمير  
وليل نهار ع السقالة  
ابدأ بنفسك وعيها  
صدقني لو تبدأ بيها  
الكل يبقي تمام ف تمام  
ونصون بلدنا ونبنيتها  
ابدأ سلام ايدي ف ايدك  
اسعي ورزقك علي سيدك  
وكفاية نوم وكفاية كلام  
بالصبر ربك هايزيدك

## زاد التعب

زاد التعب فين الدوا  
ولا عادش يكفي المال  
والعين بصيرة وضيها  
شاييل كتير احوال  
والايد قصيرة بامدها  
مايتوصل الجنيين  
ولا حد حس بلوعتي  
ولوعة المساكين  
شي الله يا ارض حنينة  
زارعة الامل فدادين  
شي الله با اخويا يا انا  
يا مشمت اللايمين  
شي للغلبة يعرفو ا

يمشوا كما التائبين  
في البرد مين يبقي الدفا  
يا ام الضفاير موت  
يارب يا حامي النبي  
يونس في بطن الحوت  
احمي جيوبنا م الفلس  
وعقولنا م التوهان  
في عصر روجه مقصلة  
وف ضحكته حرمان  
يارب يا حامي الحمي  
يا صاحب الرحمات  
ارحم عبادك م الغلا  
من حرقة الازمات  
وارحم فقير خاته البكي  
وهده الدمعات

# طبّطب ع الأحزان بالراحه

طبّطب ع الأحزان بالراحه

ما توديش نفسك متاهات

دمعة عينك لو جراحه

داوي جروحها بالبسمات

اقدر علي الاحزان وتحلي

مهما الكون عنك يتخلي

لما تكون محتاج للضلة

فانت معاك رب السموات

فضفض باللي معاك واحكيه

لما تكون مخنوق تدعيه

دمع عيونك لو يشكيو ا



يغرج عنها كثير ازمات  
ربك عالم ايه جواك  
فين ما تكون بيكون وياك  
يمسح دمغة عينك هو  
مهما الحرقه تكون قتلاك  
سيبك وانسي حكاوي الناس  
ارفع نفسك بالاحساس  
هي الدنيا ملهاش صاحب  
الا شيطان وسواس خناس  
شمس العمر بتشرق مرة  
عيش النور قبل مايتحاش  
تغرب شمس العمر ف ثانية  
وتضيع منك ماتشوقهاش  
حنن قلبك ع الايام

عيشها بحب وخير وسلام  
رغم الحزن الساكن قلبك  
لسة امل طارح قدام

# شايك م الغلاوه

شايك م الغلاوة  
فدان عشق ومحبة  
العود مزروع نقاوة  
تسعين مليون وحبّة  
باروي الارض بغنايا  
عشقك مالوش نهاية  
باحلم بيكي ودوايا  
تحتار فيه الاطبة  
باشتاق للشمس تطلع  
كل الانوار تلعلع  
وطيور الحب تسمع  
غنوة حبك معايا  
زلعة شوقي الملائنة

زي الصفصاف حدانا  
سهران الليل بيحكي  
للنيل قصة هوانا  
مكتوب ع السنط كلمة  
يا حبيبتي تعيشي سالمة  
حبك دا نصيب وقسمة  
مولود يجري ف دمايا  
عمر الحب اللي باقي  
مايكون دا هزار ولعبة  
بصي ف كفة ميزانك  
كفة حبي اللي طابة  
لفي في كل الحواري  
ان بعتي الكل شاري  
وان طال الليل علينا  
بنقيد حبك سهاري

وبنفرح واللي غاوي  
بينقط بالمحبة  
غيطك مليون تقاوي  
تسعين مليون وجة  
شوفي الحب اللي باقي  
يروى الارض الشراقي  
بكرة تدور السواقي  
تطرح لك حبة حبة

# أنا روعي رايعه مني

انا روعي رايعه مني  
وساكنة هناك معاك  
وباخاف تستغني عني  
واموت دايبة في هواك  
ياترجع ليا روعي  
ياتجيب روحك اعيش  
معقولة اكون بحبك  
وانت ماتحبنيش  
سلم قلبك ياغالي  
متخفش ف يوم عليه  
قلبك كل انشغالي  
عايشة انا منه ليه

يا حبيبي يا احلي كلمة  
حبك دا مش كلام  
حبك دا حكاية حلوة  
بيحكيها الغرام  
افهم معنى لكلامي  
حسني بالامان  
لو تهديني المحبة  
اهديك كل الحنان  
علطول يشاغلني طيفك  
ومعايا منين ما افوت  
يبعت حرفين لكلمة  
تنطق ويا السكوت  
ياترجع ليا روعي  
ياتجيب روحك اعيش  
معقولة انا اكون بحبك

وانت ماتحبنيش  
مستني القلب فرحة  
تكلمي في يوم لقاك  
في عيونك انام واصحي  
واسرح منك معاك  
وبنادي عليك تعالي  
قرب لعنيا شوف  
صورتك مرسومة وردة  
واسمك بالحروف  
وزرعت الورد حنة  
لادين العاشقين  
علشان يتملو منا  
ومايقوش محتارين  
انا وانت الحب كله  
متقولش ازاي وليه



انا بدرك وانت ضله  
اللي مضلل عليه

## محتوى الديوان

م	عنوان النص	صفحة
1	بطاقة الكتاب	2
2	إستهلال	3
3	تقدمة الناشر	4
4	الشك فيك أصبح أكيد	5
5	إوعى تتدارى	8
6	إهدى عليًا	11
7	يا طير ياطاير	16
8	مخلص أكيد	20
9	قلبي رافض الإنسحاب	24
10	ماتخوفنيش عليك	27
11	غاطة عمرى	31

33	ها افضل كده	12
35	قولى نهايتك إيه ؟!	13
38	التقل صنعة	14
42	أنا كنت زمان على نياتى	15
45	بعد المشاوير	16
48	ماتشيلش فى بالك	17
51	هيادى الدنيا	18
53	المستحيل مالوش وجود	19
55	الحب كلمة حلوة	20
60	فى هواك	21
63	قررت خلاص أنساك	22
66	ع الماشى	23
69	بطلت سياسة	24
72	ورانى الويل	25

74	مين حس مره	26
77	سلم لى عليه يامسافر	27
80	وكفاية سنة لتأخدها سنة	28
82	على كل لون يا بطسطه	29
86	زاد التعب	30
88	طبطب ع الأحزان بالراحه	31
91	شايلك م الغلاوه	32
94	أنا روى رايحه منى	33
98	محتوى الديوان	34
101	إصدارات دار النيل والفرات	35

إصدارات  
دار النيل والفرات  
للنشر والتوزيع 2017



م	عنوان الكتاب	إسم المبدع
1	ترتيل البوستات الصباحية لأنواع الحب ج. 3	ناجي عبد المنعم
2	ترتيل البوستات الصباحية لأنواع الحب ج. 4	ناجي عبد المنعم
3	العفريّة الشقية ( مسرحية )	ناجي عبد المنعم
4	المختصر المفيد في سيرة أهل بيت الحبيب	د. عبد الحليم هندواي
5	في حب الله وعشق الأوطان	د. عبد الحليم هندواي
6	ظمى لا زبد وعبر للأبد	د. عبد الحليم هندواي
7	أبو الطيب المصري ( ج. 1 ) نصوص	عبد الله الشوربجي
8	أبو الطيب المصري ( ج. 2 ) نصوص	عبد الله الشوربجي
9	أبو الطيب المصري ( ج. 3 ) نصوص	عبد الله الشوربجي
10	أبو الطيب المصري ( ج. 4 ) نصوص	عبد الله الشوربجي
11	أبو الطيب المصري ( ج. 5 ) نصوص	عبد الله الشوربجي

12	أنين الروح ( أشعار )	جيهان عبد الرؤوف علوان
13	همسات ( أشعار )	السيد صابر
14	أشجار الخوف ( أشعار )	رضا ابو الغيط
15	الحلم بيكبر ( أشعار )	رضا ابو الغيط
16	أشكرك ( أشعار )	رضا ابو الغيط
17	أكفان الخوف ( أشعار )	رضا ابو الغيط
18	تباشير الصباح ( أشعار )	رضا ابو الغيط
19	وتر البكا ( أشعار )	سمير موسى
20	مدمن ضرب ( أشعار )	سمير موسى
21	بيعدوا أملكى ( أشعار )	علاء الدين على
22	مشاكسات إبداعية ( أشعار )	أسماء فريد
23	عن التواصل الأدبي بين الشعوب ( دراسات )	د. يسرى عبد الغنى
24	حميسة ( مجموعة قصص قصيرة )	عبد المنعم شرف
25	نبضات أنثى بلا وطن ( أشعار )	تهانى فؤاد
26	أميرى ( أشعار )	أسماء فريد

27	جدلية التحول بين التمرد والانتماء	ناجى عبد المنعم
28	رباعيات	ناجى عبد المنعم
29	ترنيمة لأنواع الحب ( ثلاثية مسرحية )	ناجى عبد المنعم
30	أبو جلمبو فى كوكب المرىء ( مسرحية )	ناجى عبد المنعم
31	حاملة الورد ( أشعار )	د. عبد الحليم هنداوى
32	إنكسار حرف ( أشعار )	محمود هليل
33	محكمة ميت ( مسرحية )	ناجى عبد المنعم
34	حرفين وجع ( أشعار )	منى الغريب
35	مين يسامح مين؟! ( مسرحية )	سميرة محمودى
36	إهدى عليًا ( سلسلة أغاني سميرة 2 )	سميرة محمودى
37	ياريت نحبك ( أشعار )	السيد محمد صابر
38	الدنيا حالها كده ( مسرحية )	السيد محمد صابر
39	ترنيمة لأنواع الحب ( ثلاثية مسرحية )	ناجى عبد المنعم
40	كان بيننا إيه ( سلسلة أغاني سميرة 3 )	سميرة محمودى
41	لا تذكرينى	سمير حماية
42	مسرح خيال الظل	سمير حماية

43	أكبر وهم	محمد الفلكي
44	حب الوطن	محمد الفلكي
45	صمت المشاعر	محمد الفلكي

سعدت بكم جدا أحباب  
رسول الله صلى الله عليه وسلم  
وأرجو أن أكون قدمت لكم  
ما يليق باحترام عقولكم وقلوبكم

الشاعرة  
سميرة محمودي  
شاعرة الريف